

آبونه شماره : هریر ایچون
 سنه لکی (۴۰۰) الی ایلی
 (۲۲۵) ، ممالک اجنیه ایچون
 سنه لکی (۴۵۰) ، آلی ایلی
 (۲۵۰) غروشد.

نسخه سی ۷،۵ غروشد.
 سنه لکی ۵۲ عدد در.

اداره خانه : باب عالی جاده سنده
 رشید افندی خائنده

اخطارات
 آبونه بدلی پشیندر .

مسلمه موافق آثار مع المنونیه
 قبول اولنور . درج ایدله نین
 یازیلر اعاده اولماز .

والله یهدی من یشاء الی صراط مستقیم

باش محرر
 محمد ماکف

صاحب و مدر
 اشرف ادیب


آدره سی تبدیلینده ایریه
 غروش کوندرملیدر .

مکتوبلرک امضاری واضح
 و اوقوناقلی اولسی و آبونه
 صره نومروسنی محتوی
 بولونسی لازمدر

ممالک اجنیه ایچون آبونه
 اولانلرک آدرس لری نک
 فرانسجه یازلسی رجا اولنور .

پاره کوندردلیکی زمان نهیه
 دائر اولدینی بیلدیرلسی
 رجا اولنور

آبعون اهدکم سبیل الرشاد



ایده جگز . فی الواقع احکام فقهیه مزه نظراً نکاحک بر وثیقہ ریلی مستحسن ایسده هر حالده ضروری دکلدز . انهای عقدده حاکمک ویا سائر بر مأمورک حضوری بونلرک عقد نکاحه اذن و موافقی ایسه هر حالده ایجاب ایتمز ، یالکیز و لیلری اولمالان قاصرینک ازدواجلرینه حائز صلاحیت اولان حکام مداخله ایده بیلیر ، یوقسه مکلف اولان ویا و لیلری بولونان کیمسه لرک مشروع اولان ازدواجلرینه هیچ بر کیمسه مداخله ایده مز . اگر انتظام عقدی ، منافع عامه بی تأمین ایچون بوخصوصه هر حالده لزوم کورولیورسه بو بایده صرف اداری ماهیتده اولمق اوزره بعض تدابیر قانونیه اتخاذ ایذیله بیلیر ، بوندا لیلری تأمین ایچونده یینه اداری ماهیتده بعض مؤبدلر وضع ایذیله بیلیر ، یوقسه بو تدابیرک قوه تأییدیه هی عقدک محبت و بطلانی ایله علاقه دار اولاماز . حد ذاتنده مشروع اولان بر عقد ، نهایت اداری بر ماهیتده تلقی اولونایله جک بر شرطه ، بر تدبیر قانونیه عدم رعایتدن طولای غیر مشروع اولاماز .

» ۲۸ — ماده : عقد نکاح اثنا سنده لا اقل مکلف ایکی شاهدک حضوری نکاحک محقنده شرطدر . خا ط ب ایله مخطوبه نک اصول و فرومیده شاهد اتخاذ ایذیله بیلیر . «

بوماده احکام شرعیه مزه موافقدر . علیه الصلاة والسلام افندیمز (لانکاح الابشود) بو یورمه شدر . نکاح بر اهمیت مخصوصه بی حائز اولدیغندن اولیه سائر عقود کبی همان طرفینک ایجاب و قبولیه اولوب بیتمز ، انهای عقدده مکلف ، اوصاف شرعیه بی حائز ، لا اقل ایکی ارکک ویا بر ارکک ایله ایکی قادینک حاضر بولونوب ایجاب و قبولی معاً استماع ایتملری لازمدر . عکسی تقدیرده عقد واقع ، فاسد اولوب بو عقدده مغروراً طرفینک حاله تأسیسنه قیام ، حال زوجیتده دوام ایتملری اصلاً جائز اولاماز .

نکاحده زوجینک اصول و فرومیده شاهد اتخاذ ایذیله بیلیر ، شوقدر وارکه زوجیندن بری لدی الا ایجاب اقامایده جکی نکاح ویا مهر دعواسنی کندی اصول ویا فرومک ادای شهادت لریله اثبات ایده مز ، چونکه تحمل شهادتله ادای شهادت باشقه باشقه شیلردر .

» ۲۹ — ماده : نکاح ، مجلس نکاحده طرفینک و یارسی و کالتنامه بی حائز وکیلرینک حضوری ایجاب و قبولیه عقد اولونور . یالکیز قریه لره رسمی و کالتنامه آراغاز ، کوی هیئت اختیاریه سنک کیفیت توکیل تصدیق ایتمه سی کافیدر . «

بو ماده قسماً جای تأملدر . احکام فقهیه مزه نظراً نکاح ، حائز اهلیت اولان زوج ایله زوجینک ویا زوجینک و لیلرینک ایجاب و قبولیه عقد ایذیله بیله جکی کبی بونلرک وکیلرینک ایجاب و قبولیه عقد ایذیله بیلیر .

توکیلده اشهاد شرط دکلدز . کیفیت توکیل تصدیق ایچون حین توکیلده بعض کیمسه لرک حاضر بولونماسی هر حالده ایجاب ایتمز . مبسوط

ویرره انسان ده بویله در . کوزمیزک اوکنه بر غیر مسلم کتیره لم . بو غیر مسلم ، اسلامک اک متعصب دشمنی اولایبیلیر . فقط بو آدم رفاه و موفقیته نائل ایسه اونک خط حرکتی تدقیق ایندیکمز تقدیرده ، مطلقاً اساسات قرآنییه توفیق حیات ایندیکمی کورورسکیز . اوبلکه بو حقیقته آگاه ده کلدز . فقط حیاتده موفقیت نقطه نظرندن بو آدمک خط حرکتی بودر . حیاتده موفقیت بر نعمت الهیه در . بو کون بزبو نعمت الهیه دن مستفید دکلسه ک بونک سبی اعمالمزددر . آوروپا مدینتنده ایی و اسیلنه وارسه ، هپسی اساسات قرآنییه دن مستفاضدر . آوروپا ، کتاب اللهک بدائعندن غافلدر . بوکارهما آوروپا اونک بر جوق حقائق آله رقی حیات عملیه سنده تحقق ایندیرمش و بو صورتله بو کون جهانک استاد مدینی اولمشدر .

خواجہ کمال الدین

انکیزجه دن مترجمی : صحرنا

یکی حقوق عائلہ

بر رسمی مقننه مطالبات

۴

» ۲۷ — ماده : اعلان مدتی ظرفتده هیچ بر اعتراض واقع اولامش ویا اعتراض وارد کوروله مش ایسه عقد نکاحه مباشرت اولنور . انهای عقدده خا ط ب و مخطوبه دن برینک اقامتکاهی بولان قضا حاکمی ویا بونک اذننامه مخصوص ایله مأذون قیلدی قی نائب ویا دولتجه بوقیل عقدلرک تسجیلنه وظیفه دار ایذیله جک مأمور مخصوص حاضر بولونوب عقدنامه بی تنظیم ایدر و تسجیل ایندیرر . هر حالده کیفیت عقدی مبین زوج و زوجیه بر وثیقہ مخصوصه اعطاسی مجبوریدر . «

بوماده جای ملاحظه در . کتب فقهیه مزده و بالخاصه (بحررائق) ایله (منحة الخالق) ده بیان اولوندی اوزره بعض معاملات شرعیه نک انکار وقوعندن صیاتی ایچون بر وثیقہ تحریریه ربطی مستحبدر . ایشته نکاحده بو زمزمه دندر . نکاح اهمیت مخصوصه بی حائزدر ، بونکله یکی بر حاله تأسس ایدر ، بر رفاقت دائمه وجوده کلیر ، طرفینک عهده لرینه بر طاق متقابل حقوق و وظائف ترتب ایلر . بناء علیه بوقدر مهم بر رابطه اجتماعیه حصوله کتیرن بر عقدک بر وثیقہ تحریریه ایله تنبیق و حق انهای عقدده — انتظام و محبت عقدی تأمین ایچون — احکام نکاحه واقف بر ذاتک بولونماسی مستحسن ، شایان تمهی بر مسئله در . شوقدر وارکه بو مسئله بی نکاحک شرائط اساسیه سندن ایمش کبی بر ماهیتده تاق ایتمک ، بو شرطه رعایت ایلمکسزین وقوع بولان نکاحلرک کائن لم یکن حد ایلمسنه قائل اولمق احکام شرعیه مز نقطه نظرندن اصلاً طوغری اولاماز . حال بوکه — احکام نکاح حقنده کی ماده لرک مطالعه سندن آکلاشیله جفی اوزره — قومیسون بو مسئله بویله بر ماهیت ویرمشددر . بونک تولید ایده جکی محذورات شرعیه بی آتیا ایضاح

اخراج ایتیمین بر شرط ایله نکاح ، صحیح اولور . لکن بو شرط ایله مهر مسمی فاسد اولوب مهر منل لازم کلیر .
الحاصل بوکی شرائط ایله عقد نکاحده بولونمق آهنگ صمیمیتی ، بقای زوجیتی اخلاص ایدمجهکی جهته شایان تصویب اولاماز . مع هذا ازدواج ایدمجهک بر قادین هر حالده بویله بر شرطه لزوم کورورسه آنی اصول شرعیسی داخلنده درمیان ایدمبیلیر . از جمله « اوزرینه اولنمهک » اولندیکی تقدیرده امر طلاق یدنده اولوب دیلهدیکی زمان نفسی تطلیق ایتیمک ، شرطیله تزوج ایدر ، دیگر طرفده بو شرط ایله قبول ایلرسه هم نکاح ، همده شرط ، معتبر اولور .

بو شرط ، مذهب حنفی ده معتبر اولدینی کی مذهب مالکیدهده معتبردر . نته کیم مدونات مالکیه دن (کتاب البهجه) ده دینیلیورکه : « بر کیمسه بر قادینی بلدهسندن اخراج ویا اوزرینه تأهل ایتیمهک وایتدیکی صورتده امر طلاق ، مزبوردهک یدنده بولونمق ویا آلاجنی خاتون بوشی اولمق شرطیله تزوج ایتسه بو شرط معتبر اولور . »

۳۲ — ماده : ازدواجده کفایت ، نکاحک لزومنده شرطدر . بناء علیه اذن وموافقته احتیاج بولنان مادهلرده ولینک عدم کفایتدن طولایی اعتراضه حق وارددر . حاکم اعتراضی تدقیق وبرقراره ربط ایدر . اگر عدم کفایت ثابت اولورسه حاکم نکاحه اذن ویرسنه .

بو ماده بر قاج نقطه نظرندن جای تدقیقدر . اولاشو جهتی مرض ایدمکه نکاحده کفایتک شرط اولوب اولماسی خصوصنده بینالمجتهدین اختلاف واقع اولمشدر . امام مالک ایله حسن بصری حضرتلرینه کوره نکاحده — حقوقاً — کفایت آرانیلماز . ائمه حنفیه دن امام کرخی ده بوکا قائلدر . نکاحده کفایتک شرط اولمادینی اجتهادنده بولونان بو ذوات دییورکه :

رسول اکرم صلی الله علیه وسلم افندمن (الناس سواسیه کاسنان المشط لیس امری علی هجمی فضل الابلالتقوی) بویورمشدر . (ان اکرمکم عندالله اتقاکم) آیت جلیله سی ده بونی مؤیددر . بناء علیه انسانلر خلقة ، حقوقاً مساویدرلر ، انسانلرک یکدیگرینه تفوقی آنجاقت زهد وتقوی جهتیلهدر ، باشقه صورتله دکلددر .

لکن امام اعظم ایله سائر ائمه حنفیه کوره نکاحده کفایت آرانیلیر . کفایت ، نکاحک لزومندک شرطیدر ، بناء علیه عدم کفایتدن ناشی زوجه ایله ولیلرینک — اصول شرعیسی دائره سنده — نکاحی فسخ ایتدیرمهک حق وارددر .

ائمه حنفیه حضراتی بوبایده بر قسم ادله نقلیه استناد ایتیمکه برابر دییورلرکه : کفایت بولونمادینی تقدیرده مصالح نکاح ، خللدار اولور ؛ نکاحدن بکله نیلن انتظام طائله ، مقاصد اجتماعیه تجلی ایدمسن . واقعا برارک کندیسنک ممائلی اولمایان بر قادینله عقد ازدواجده بولونماسنده

سرخی ده دینیلیکی اوزره نکاحه توکیل ، نکاح دکلددر ، شهود ایتسه نکاحک خصائصندنر ، شوقدر وارکه اشهاد ایدلمسی مستحسندر . تا که ایلروده انکار وقوع بولورسه اقامه ینیه امکان بولونسون .

اشبو یکریمی طقوزنجی ماده ایتسه اشهاد مسئله سی مجبوری قیلیمش اولیور ، وکالتنامه استحصالنده کی کافتدن وسائرده دن هله صرف نظر ایدمکه ، هجبا بویله رسمی بر وکالتنامه یی حائز اولمایان کیمسه لرک بالوکاله عقد ایدمجهکلی نکاحلر قانوناً ناصیل تلقی ایدیلرجهک ؟ یوقسه اتخاذ ایدیلان اصوله نظراً بویله بر هتدک وقوه ذاتاً امکانی ویریلیر ؟

۳۰ — ماده : نکاح ، شرطه تعلیق وزمان مستقبله اضافه اولوناماز .
بوماده ، احکام فقهیه مزده موافقدر . شرطه معلق ویا زمان مستقبله مضاف اولان نکاحلر منعقد اولماز . شوقدر وارکه معلق علیه اولان شرط ؛ علی خطر الوجود اولمالی ، یعنی هنوز معدوم اولدینی حالده آتیا وجوده کله بیله کی مأمول بولونمالیدر . حین عقدده تحقیق ایدن ویا ایتیمش بولونان بر شرطه معلق اولان نکاحلر ایتسه منعقد اولور .

۳۱ — ماده : اوزرینه اولنمهک شرطیله بر قادینی تزویج صحیح وشرط معتبردر . [۱]

بو ماده ، مبهمدر . بر کیمسه بو شرط ایله ازدواج ایتدیکی حالده بوکا رعایت ایتسه نه اولاجق ؟ مع هذا بوماده ، احکام فقهیه مز نقطه نظرندن جای تدقیقدر .

کتب فقهیه مزده ویا خصوص (فتح القدیر) ایله (رد المحتار) ده مفصلاً بیان اولدینی اوزره نکاح ، شرطه تعلیق اولنمه ماز ایتسه ده شرط ایله تقید اولونابیلیر . شرط ایله مقید اولان نکاحلر هر حالده صحیحدر ، معتبردر . درمیان ایدیلان شرطلر ایتسه بعضاً معتبر اولور ، بعضاً اولماز . ایتسه بوماده ده کی شرطده — بر امر مشروعدن منعی متضمن اولدیفندن — معتبر دکلددر . شوقدر وارکه زوج بو شرطه رعایت ایتمدیکی تقدیرده زوجه سینه مهر مساسندن نقصان اولماق شرطیله مهر منل ویرمهک مجبور اولور . چونکه بو شرط ، زوجه نک منفعتنه راجع اولدیفندن بولنک عدم تحقیق حالنده مهر مسایه رضایی منعدم اولور .

بوماده ، ایوم محاکمه معمول به اولان احکام فقهیه مزده توافق ایتدیکی کی سائر مذاهب فقهیه یه ده موافق دکلددر . از جمله کتب شافعیه دن (نهایة المحتاج) ده دینیلیورکه : « نفقه ویرمهک ویا اوزرینه اولنمهک کی مقتضای نکاحه مخالف اولقله برابر مقصود اصلی یی

[۱] جریده عدلیه ده مندرج مواد ایله بوی خزنه لر طرفندن اسباب موجیه سیله برابر مؤخر تاریخیه یازیلان اشبو مواد آرهنده بعضاً جزئی فرقلر کورولوبور . باخصوص اشبو ۳۱ نجی ماده جریده عدلیه ده بومواد صیره سنده موجود دکل .

قبل التزوج اخبار ایتش اولوبده مؤخرأ عدم کفایت ثابت اولسه ولی حاکم مراجعته نکاحی فسخ ایتدیره بیلیر .

» ۴۴ — ماده : عدم کفایت سببیه حاکم نکاحی آنجق حاکم ظهورندن اقدام فسخ ایدیه بیلیر .

» ۴۵ — ماده : ولینک دلالت ویا صراحتأ عدم کفایت رضاسی حق فسخی اسقاط ایدر .

بوماده لر — کفایت یالکیز زوج طرفنده تحری ایدمک و بوتحری یه یالکیز عصبانیدن اولان و یلیر صلاحیتدار بولونق شرطیه — احکام فقهیه مزه موافقدر . شو قدر وارکه کفایت حقنده تثبیت ضروری کوریلجه چک احکامی احتوا ایتیمکده در .

» ۴۶ — ماده : ولی الرب غائب ایکن درجه بید اولان ولینک رضاسی اولنک حق اعتراضی اسقاط ایدر .

بوماده ، احکام فقهیه مزه توافق ایتیمور . احکام جلیله فقهیه مزه نظراً قائل و بالغ اولان کیمسه لری نکاح لری اساساً صحیح و نافذدر ، آنجاق عدم کفایت و نقصان مهر طولایسیله زوج و یلیرینک اعتراضه حق وارددر . برولی بوحقی — اسقاط ایتدیرجه — هم قبل العقد ، هم ده بعد العقد استعمال ایدیه بیلیر . شو قدر وارکه درجه سی قریب اولان ولینک رضاسی درجه سی بید اولان ولیرک حق اعتراضی اسقاط ایدر ، فقط درجه سی بید اولان ولینک رضاسی درجه سی قریب اولان ولینک حق اعتراضی اسقاط ایدیه مز . بولی کرک فائب اولسون و کرک اولماسین . چونکه ولی اقرب بر حیات اولدجه ولی ابعد اجنبی مثابه سنده قالیر . بوندن یالکیز بر مسئله مستنادر .

» ۴۷ — ماده : درجه لری مساوی و یلیردن برینک رضاسی دیکر لریک حق اعتراضی اسقاط ایدر .

بوماده نیک حکمی — لایحه ده قبول ایدیلان ولایت ترتیندن قطع النظر — احکام فقهیه مزه موافقدر . برآز ایضاح ایدیه لم :

ائمة حنفیه دن امام یوسف و زفر حضرتلرینه کوره درجه لری مساوی اولان و یلیردن برینک رضاسی ، دیکر لریک حق اعتراضی اسقاط ایتیز ، چونکه کفایتی طلب ایتک و یلیردن هر برینک حقیدر ، بونلردن برینک رضاسی یالکیز کندی حقی اسقاط ایدر ، دیکر لریک حقنه تأثیر ایدیه مز . نته کیم زوجنه نیک رضاسی ده و یلیرینک حق اعتراضی اسقاط ایتیمور .

فقط امام اعظم حضرتلری دییورکه : طالب کفایت ؛ حق واحددر . بو حق قابل تجزی دکلدر ، و یلیردن هر برینه کندیسندن باشقه ولی یوق ایتش کی علی وجه الکمال ثابت اولور . بناءً علیه بونلردن بری بو حق اسقاط ایدنجه آرتق دیکر ولیرک اعتراضه صلاحیتی قائماز . مع مافیه کامل الرأی اولان بر ولینک عدم کفایتدن عبارت اولان بر ضرر ظاهری بی التزام ایدیه لری نکاحه اقدام ویا اجازت اعطا ایتیه سی بر مصلحت

اوقدر محذور کورمیه بیلیر . فقط بر قادین کندیسنک ممائلی اولمایان بر ارکک ایله بر رابعلة زوجیت تأسیس ایتیمکدن مازلانیر ، روحاً متأثر اولور ، بویله بر ارککک دائرة عصمتنه دخولدن استنکافه لزوم کورور ، بو خصوصده کی حسیاتی اخفایه مقتدر اولامایاراق حائله آراسنده وجودینه پک زیاده احتیاج بولونان آنک امتزاجی اخلاصیت ویرر ، بوجهت زوجنه نیک ولیری حقنده ده سوء تأثیردن خالی قائماز . بناءً علیه تأسیس ایدیه چک بر حائله نیک انتظامی ، حسن دوامی تأمین ایچون تحری کفایت لزوم وارددر .

شو قدر وارکه کفایت ، یالکیز زوج طرفنده آرانیر ، یعنی زوجک زوجنه سنه حرقت ، دیانت کی بعض خصوصاتده مساوی ویا فائق بر حالده بولونماسی تحری اولور ، یوقسه زوج طرفنده آرانیلماز .

اشبو ایکنجی ماده نیک احکام فقهیه مزه موافق اولوب اولماسی جهتی آراشدیره لم .

بوماده بوجه آتی بر قاچ جهته احکام فقهیه مزه مخالفدر :

۱ — احکام فقهیه مزه نظراً کفایت یالکیز ارکک طرفنده آرانیر . بوماده ده ایسه بومسئله قادین طرفنده تشمیل ایدیلشدر . چونکه « اذن و موافقتنه احتیاج بولنان ماده لرده ولینک عدم کفایتدن طولای اعتراضه حق وارددر . « دینیلیور . اذن و موافقتنه احتیاج کوسترینلی ولی ایسه لایحه یه نظراً هم زوجک ، هم ده زوجنه نیک و یلیرینک .

۲ — احکام فقهیه مزه کوره عدم کفایت سببیه هم زوجنه نیک ، هم ده ولینک اعتراضه ، نکاحی فسخ ایتدیرمه که حق وارددر . بوماده ایله ماده آتی ایسه بو حق یالکیز ولی یه حصر ایدیور .

۳ — احکام فقهیه مزه نظراً عدم کفایتدن ناشی نکاحی فسخ ایتدیرمک حق یالکیز عصبانیدن اولان و یلیر هاندر ، سائر ولیر بوحقه مالک دکلدر لر . بوماده ده ایسه علی الاطلاق « ولی « دینیلیور . بو ولی ایسه لایحه نیک ولایت حقنده قبول ایتدیرکی ترتیه کوره والده ، لام جد ، دایی اولابیلیر . دیمک که بونلرده عدم کفایت سببیه نکاحی فسخ ایتدیره بیلر چکلر ، حال بوکه احکام شرعی مزه نظراً بویله برفسخ قابل دکلدر .

۴ — احکام فقهیه مزه کوره عدم کفایتدن طولایی ولیرک نکاحی فسخ ایتدیرمه که صلاحیتلری وارددر . ولوکه عقد ایدیلش اولان نکاح کندی اذن و موافقتلرینه متوقف بولونماسون . بوماده ده ایسه یالکیز اذن و موافقتنه احتیاج بولونان ماده لرده ولی یه بو صلاحیت ویریلیور . دیمک که سن رشده واصل بولونمش اولان بر قادینک نکاحنده ولینک اذننه احتیاج بولونمادیغندن بو ولینک عدم کفایت سببیه اعتراضه ، نکاحی فسخ ایتدیرمه که صلاحیتی اولمایه حق .

» ۴۳ — ماده : حین عقدده کفایت شرط قلمش ویا زوج کفو اولدینی

خفیه مبتنی و عدم کفایت دها عظیم بر ضرری دفع حکمته مستند اولاجندن بو مصلحت و حکمته مطلع اولمادیفی ماحوظ اولان سائر ولیرک حق اعتراضک سقوطی مقتضی اولور . قادینه کلنجه بونک ایچون ثابت اولان حق ، ولیری ایچون ثابت اولان حقک هیریدر ، بونلرده کی نقاط نظر باشقه باشقه در . الیوم مفق به اولان ده امام اعظم حضرتلرینک بو قولیدر .

معجزه محمدیه

۳

حضرت محمد، بر واضح قانون اولقله قالماز، بوندن باشقه ، خلق جبر و تضييقه اوضرا تمسکین قانونه اطاعت ده اوکرمشدر .

پیغمبر منک کتیردیکی قانون ، عملی ، صاعلام برجه " اخلاقه در که بو کون دخی دنیایی اداره به لایقدر . (تیلور) بوندن بحث ایدرکن دیور که : " اسلام اخلاقیاتی ، بر قاج نقطه نظردن بزم اخلاقیاتمه قائمدر . اراده الهیه به تسلیمیت ، فحشادن اجتناب ، التزام عفت ، بین المسلمین تأمین اخوت اعتباریه مسلمانلق بزم ایچون واجب الاقتدا بر نمونه تشکیل ایلر . مسلمانلق ایچکی ، قمار و فحشی منع ایتمشدر . حال بو که بو اوج ردیلت خرسیتان مملکتلرینک آفلریدر .

قونت " دوبوله نوییه " ده مسلمانلق قدر معقول و اعمال صالحه ایشله ییلر ایچون اوندن دها حضور و اطمینان بخش بر دین بولونمادیفی بیان ایتمکده و بالکنز خرسیتانلقی خارج طوطمقدمه در . (بارتهلمی ساق هیلر) ده خرسیتانلقی خارج طوطمقدن صوکره مسلمانلقه قابل قیاس و بشر ایچون موجب فخر اولاجق باشقه بر دین بولونمادیفی سویلر .

حضرت محمد عربستانده اخلاقه رعایت اساسی ترصین ایتدیکی که مملکتک احوال اجتماعیه سنی تنظیم ایتمش ، ربانی منع ، تعدد زوجاتی تحدید ، قوانین وراثتی تأسیس ایدرک هر بلری مشتهیات نفسانیه لرندن باشقه برشی طانیایان بوندن ، قانونه مطیع ، عقل و اذعان صاحبی انسانلر سویه سینه

حضرت محمدک کتیردیکی که تلقیناتی پک یوکسک ، بشرک ارشادی ایچون احتوا ایلر عملی اولان بر دین اولقله قالماز . بوندن ، اک بویوک علمیه ایله برابر یوروپه جک بر دیندر . بوندن طوطمقدمه بر عطش صرفان وجوده کتیرمش ، بوعطشی سینی ایچون مسلمانلر چالیشمشلر وجهانی نور صرفاندن مستفید و مستفیض ایتمشلردر .

(قارلایل) پیغمبر منک بادیفی انقلابدن بحث ایدرکن دیور که : " حضرت محمدک ظهوری ، هر بلری ظلمتدن نوره کوتورمشدر .

عربستان آنجق بوسایه ده جانلنمشدر . فقیر چوبانلردن متشکل اولان هر بلر ، یارادله قلمی کوندن بری چوللرده هیچ بردقی جلب ایتمکسزین طولاشوب دورمشلردی . قهرمان پیغمبر بونلره ایمان ایدر جملری بر کله ایله کوندلردی . اوندن صوکره هیچ جلب دقت ایتمین انسانلر ، جهانک دقتی جلب ایتدیلر . عربستان بر طرفدن (غرناطه) به ، دیگر طرفدن (دلهی) به قدر امتداد ایتدی . عربستان دنیایک معظم بر قسننه عصر لرجه افاضه نور ایتدی . اساساً دین ، بویله معظم ، بویله حیات بخش برشیدر . بر ملت ایمان ایدر سه اونک تاریخی ثمره دار ، اعتلا آمیز و معظم اولور . حضرت محمد ، قاپ قراکلک چوللرک اورته سنده بر شعله کی بارلادی . چولک قوملری او شعله ایله انفلاق ایتدی و بو انفلاقک آلوری دلهی ایله غرناطه آره سنده امتداد ایدن افقلمی تنویر ایتدی .

(قارلایل) ک تصویر ایتدیکی بو معظم ساحه بر عصر طرفنده نور ایچنده قالدی . فقط عربستانده بو مدتک اوندن بری طرفنده هر شی تمام اولمشدی . خارق العاده بر قدرت اوراده هر شی احیا ایتمشدی . کبه ، ینه عینی کبه ایدی . فقط ایچنده کی اوج بوژ آلتش صمنه نه اولمشدی ؟ خلق ینه عینی خلقدی . اونک ظالم ، انتقامجو قلبلری ، اونک آنارشیمی ، انحطاطی ، رقابتی ، عصبانی ، ربانی ، سرخوشانی ، چو جق اولدورمه سی ، قانلی مجادله سی ، انسان قاتی قربان اولارق دوکمه سی ، خرافاتپرستلکی نه اولمشدی ؟ بونلر زائل اولمش ، یکدیگرینه دشمن بت پرستلر موحد اولمشلر ، قردش اولمشلر ، بر رئیسک ، بر نفوذک ، بر قانونک اطرافنده طوبلانمشلر ، مفکورلرک الاصلینه توجه ایدن ، اخلاقک اک یوکسکنه رعایت ایدن بر ملت اولمش ، ایچنده تشکیلاتچیلر ، قهرمانلر ، متفکرلر ، اک یوکسک مدنیتلرک و اک بویوک ملتک یتیشدیرمه بیله جکی اک بویوک رجال وجود بولمشدی . بالخاصه بو نقطه به جلب دقت ایتلیدر که یوز سنه طرفنده غرناطه ایله دلهی آراسنده انتشار ایدن شان نیجه نیجه عصرلر صوکره غرناطه ده افوله و (دلهی) ده ضمنه اوغرادینی حالده اون سنه طرفنده عربستانده تمام اولان نور یوز بیکلرجه انسانک قلبنده یانیور ، کونش پایدار اولدقجه ، بونور او یوز بیکلرجه قلبلرده کونشدن دها پارلاق بر صورتده یانه جق ، ترقی و مدنیتک ابدی بر حاملی اولاجقدر .

امی ، بیکس و مظلوم " محمد " ک سسی ، امین اولیکز ، علی - العاده بر انسانک سسی دکلدی . او سس انسانلری اولوم او یقوسندن او یاندیران بر رعد ، انسانلرک درین کوکلی اخلاقسزلقی ، فالنقی احیا ایدن بر شمشک ، بر یوزنده " ملکوت سبایی " فرشتهانه شفقتی ، حقیقی صداقتی ، قهرمانانه جسارتی ، علوی فداکارلقی ، اک طالیجناب مرحق ، اک صمیمی محبتی ، اک قیمتی تسانندی تبشیر ایدن برسسدی .